

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Kalaallit Nunaannit Nunap Inoqqaaviusut “Inuit”, sulii inatsisitigut kisiartaallutik Kunngaqarfik Danmarkip ataani Nunap Inoqqaajunerannut Naalakkersuisut tamakkiisumik paatsuugassaanngitsumillu isumaqataappat?
2. Naalakkersuisut Kalaallit Nunaanni Nunap Inoqqaajussutsimut nassuiaateqarnerminnut, ilaatigut ILO 169¹ inatsisinngornikuunera najoqqutaraat?
3. Kalaallit Nunaanni Nunap Inoqqaaviusunik “Inuit”, taamatullu Inoqqaaviunngitsunik, innuttaasoqarpa? Una taamaallaat aap imaluunniit naamimik akeqquneqarpoq.
4. Isumaginninnermut, Suliffeqarnermut, Nunamullu Namminermut Avatangiisinullu Naalakkersuisoq, Bentiaaraq Ottosen (Atassut), tusagassiorfinnut nalunaarummi ilaatigut imatut oqaaseqarsimanera issuarneqarpoq: *“Nunap inoqqaavisut ilisimasavut [...] Siullertullu pisariaqassaaq Nunat Inoqqaavisa tusaaneqarnissaat, ataqqineqarnissaat peqataativissorneqarnissaallu qulakkeerneqassasoq”*². Naalakkersuisup issuarneqarluni oqaatigisimasai, ilaatigut Kalaallit Nunaanni kikkut Nunap Inoqqaajunersut nalunaarutigineqartoq ilutigalugu, maanna una apeqqutigineqarpoq:
 - a. Naalakkersuisuinnaannngitsut innuttaasulli allat suut tunngavilersuutigalugit Kalaallit Nunaannit Nunap Inoqqaavisut “Inuit”-tut nalunaaruteqarsinnaatitaappat inatsisitigullu taakkununga atuutsinneqartunit illersugaasinnaatitaassappat? Uani Naalakkersuisut inatsisit atuuttutut najoqqutaralugit allaffissornikkut qanoq periuseqartoqarnersoq akeqquneqarput.

¹ BKI nr 97 af 09/10/1997

² Naalakkersuisut tusagassiorfinnut nalunaarutaat, ulloq 08.05.2025: “Bentiaaraq Ottosen nunarsuarmi silap pissusianut ministerinut: Kalaallit Nunaat aqqiissutissamut ilaavoq – Nunat Inoqqaavi qitiutillugit silap pissusia pillugu iliuuseqarneq takusussanngorparput”. Link: https://naalakkersuisut.gl/Nyheder/2025/05/0805_CCM?sc_lang=kl-GL

5. Innuttaasut, Kalaallit Nunaannit Nunap Inoqqaaviusut “Inuit”, Nunatsinni Nunap Inoqqaaviunerminnut “Inuit” allakkatigut akuerineqarnissaminnut piumasaqarunik, akisussaaffiginnilluni oqartussaasumit pissarsisinnaatitaanissaminnut pisinnaatitaaffeqarpat?

(Inatsisartunut ilaasortaq Pele Broberg, Naleraq)

Tunngavilersuutit:

Maanna Naalakkersuisunut ilaasortat Kalaallit Nunaannit Nunap Inoqqaajusutut (“Inuit”) imminnut tamanut ammasumik naqissusertalersimatillugit, aamma innuttaasugut assinganik qulakkeerinnittumillu Nunap Inoqqaajunerlutik paasisinnaatitaasariaqalerpaat, qanorlu inatsisit piusut naapertorlugit illersorneqarnersut atuutsitsisoqarnersorlu ilisimalerniassamassuk apeqqutigit ingerlateqqinneqarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.